

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Quàm fuerint honorati Philosophi?

urn:nbn:de:hbz:466:1-45699

300 Cap. XXVI. Honor coniugibus, dominis, benefactoribus,
sancta arbitrabantur: vellicabant pilos, quos poterant, de vestimentis
eius, & ad curandos morbos illis utebantur. Itaque & ob peritiam
diuinarum litterarum, & ob opinionem sanctitatis fuit Bernardus
eminensissimus, per omnia immortalibus, quam mortalibus simi-
lior, cuius vim dicendi curiae, & aulae ubique senserunt. D. Thom-
as Aquinatem, ob doctrinæ sacrae maturitatem, totus panegyri-
bis terrarum veneratur, eiusque vestigijs insistens, quaestiones
Theologicas exponit. Fuit in his talibus mira industria, excel-
lens eruditio, sed par quoque virtus, & studium pietatis, qua scien-
tiarum, atque virtutum mixtura, praे alijs omnibus profane
litteratura Doctoribus, illis ingentem peperit autoritatem. Et
certè, nisi religio, & pietas cum scientijs etiam sacris coniunga-
tur, præstaret ignorantem esse. Quia ille seruus, qui cognovit volun-
tatem domini sui, & non preparauit, & non fecit secundum voluntati-
tem eius, vapulabit multis: qui autem non cognovit, & fecit digna pla-
gis, vapulabit paucis. Scientia itaque sola, apud Deum, homini
pœnam, non gloriam auget. Semper cohorresco, quando recordor,
Origenem & Tertullianum in hæresin lapsos perijisse. Quid
prodest, scientiam alicuius, apud homines laudari, & animam il-
lius apud inferos cruciari? Interim tamen non Theologis solum,
verum & Philosophis suus est, apud homines honos.

VIII.

De Hieronymo Fracastorio, scribit author vita illius,
eum, cùm non solum medicus, verum etiam Philosopher & Poë-
ta excellentissimus esset, in tanta fuisse existimatione, vt, cùm Ca-
rolus V. Imp. Pescaria in Algeriam transiret, & Fracastorius ē
Caphijs villa sua proxima spectatum quoque descendisset, Madru-
tius Tridentinus princeps solum ipsum in numeroſa hominum
turba Cesari digito demonstrari; *Hic est Fracastorius ille, inqui-*
Plutarch. in Numa. *ens. Romani oraculo iussi, vt sapientissimo & fortissimo, inter
Græcos, apud se statuas locarent, duas æneas in foro posuere,*
vnam Alcibiadi, alteram Pythagoræ. Neque hi solum Philosophi
vel digitis, vel statuis fuere honorati; sed, vt idem Plutarchus
refert, Mithridates Platonis gloria motus, eidem statuam dicavit,
egregium Sylonis opus, quam hoc modo inscripsit: *Mithridates
Khodota filius, hanc Platonis imaginem Musis dicatam erexit. Ioua-
nus Pontanus scribit, Captum ab Æginetis Platonem ab Anicere
Cyrenæ*

Cyrenæo pecunia redemptum, & liberum abire permisum. Pythagoræ quoque atque Gorgiæ, ob magnam in Philosophia præstantiam, præclaros datos honores legimus. Nam Pythagoræ Valer. Max. tanta veneratio ab auditoribus tributa est; ut qua ab eo acceperant, in lib. 8 c. 15. disputationem deducere nefas existimarent. Quin etiam interpellati ad Et Cæl Rhod. reddendam causam; hoc solum respondebant, ipsum dixisse. * Magnus lib. 19 Antiq. honor, sed schola tenuit. Illa urbium suffragiis tributa est. Enixa Cro. left. c. 7. tonia a studio ab eo petierunt, ut senatum ipsorum, qui mille hominum numero constabat, consilijs suis uti pateretur. Opulentissimaq; civitas tam frequenter venerata post mortem domum, Cereris sacrarium fecit: quantumq; illa urbs viguit, & dea in hominis memoria, & homo in dea religione cultus est. Gorgiæ vero Leontini studijs litterarum etatis sua cunctos præstantis, adeò ut primus in conuentu poscere, qua de re quisq; audire vellet, ansus sit, uniuersa Gracia in Templo Delphici Apollinis statuam solidi ex auro posuit; cum ceterorum ad id tempus auratus collocasset. Oraculorum societatem dedere Chiloni Lacedæmonio Plin. lib. 71 homines, tria præcepta eius Delphis consecrando aureis litteris, cap. 32. quæ sunt hæc: Nesse quemque: &: Nihil nimium cupere, Comitemq; eris alieni atque litis, esse miseriā. Quin & funus eius, cum victore filio Olympia expirasset gaudio, tota Græcia prosecuta est. Atq; hic Philosophus, ut & Plato, ad Ethicam pertinet. Ad Mathematicum spectat ea res, quam in Euangeliō legimus. Siquidem Matth. 2. 1.

Magis, qui Iudæorum regem ex Oriente adoraturi venerant, tantum fidei, ob disciplinam astronomicam datum fuit, vt & Heroes, & tota Hierosolymorum vrbs commoueretur, regemque novum ceruicibus suis imminere expauesceret. Quamuis vicissim Magi, quia principum religionis Iudaicæ sapientia plurimum, tribuebant, illorum autoritatem secuti, in Bethlehem perueniunt, Christumque Deum, quem quæsierant, inueniunt. Ad Physicum referendum est illud, quod de Aristotele memoratur, eum ab Alexandro Magno, pro descriptis animalium naturis, subministratis omnibus sumptibus, præmium insuper laboris accepisse octoginta talenta, hoc est, secundum quorundam calculum, coronatorum aureorum millia quadringenta octoginta: quemadmodum & Xenocratem Philosophum quinquaginta perlegatos talenta, aureorum videlicet millia triginta. Illo autem recusante,

quod tanta pecunia diceret sibi opus non esse, legatis reuersis dicit Alexander: *Quid? nullusne habet amicos, quibus benefaciat?* ostendens diuitibus optimum usum pecuniarum, si quidem ijs bene erogandis, quam male defodiendis vti malint.

IX.

Plutarch, in Themistocle,
Gyrald. lib. 7.
hist. Poët.

Vide Plin.
lib. 11. c. 36.

Psal. 138. 17.

Sallust, in
Iugurt.

Aristot. lib. 8.
Ethic. Cic.
lib. de Amici-
cita.

De oratoribus, & Poëtis magnificè honoratis, præcedente capite etiam multa dixi. Hic tantum adijcio, Dionem historicum, ob insignem facundiam, *Chryseostomum* fuisse appellatum: quod nomen etiam Ioanni episcopo Constantinopolitano, inter Ecclesiæ Patres, eloquentissimo est attributum. Cuius aureo ab ore, aureum orationis flumen manabat; & quoties è cathedra loquebatur, rosas loqui videbatur. Sine numero sunt talia. Ut enī Pericles, propter summam eloquentiam, qua fulgurare & tonitrua ciere videbatur, *Olympi* cognomen meruit; vt Sophocles, propter sermonis dulcedinem, *μέλιτα*, seu apis nominabatur; ita & alij ab eloquentia nosmē honorificum acceperunt. Nam, vt Plutarchus scribit, *Æmyliorum* genus à dulci facundia leproque est nominatum: *αιματία* enim lepiditas dicitur. Vnde etiam *Lepidi* cognomen assumpsere; à quo procul absunt, qui ore & sale carent, & rore pascuntur, more cicadarum.

X.

8. Amicos honore dignos quisque censem, qui ipse vult exspectatque ab amicis honorari. Eos colendos esse, docet Deus, qui ipse amicos suos honorat. *Mibi autem nimis honorati sunt amici tui, Deus, nimis confortatus est principatus eorum.* Docet ratio; vt enim nauis diligenter compingitur, qua sit in tempestatibus praesidio futura; ira amicus fouendus est, qui & ipse in aduersis debet fouere. *Non exercitus, neque thesanri, praesidia regni sunt: verum amici, quos neque armis cogere, neque auro parare queas: officio & fide parantur.* Id ipsum docet proverbiū, *Amici magis necessarii, quam ignis & aqua.* Colendus est igitur, ne perdatur. Quia amico amici sumus, & non sunt amici, qui degunt procul; & vultus saepe laeditur pietas. De amicis honorandis multa Aristoteles, multa Cicero, multa alij. In diuinis mirifica Ionathæ erga Dauidem, & Dauidis erga Ionatham, amicitia describitur, qualis non sicut inter Theseum & Pirithoum, inter Damonem & Pythiam, aut qui alij ab antiquis celebrantur. Sed abrumpo, quia complura extant volumina de hoc arguento; quod vel solum uno volume non potuit comprehendendi.

CAPVT